



SLUŽBENE NOVINE TUZLANSKO-PODRINJSKOG KANTONA

Godina 4 - Broj 3

Petak, 28. mart/ožujak 1997. g.
TUZLA

Izdanje na
bosanskom i hrvatskom
jeziku

293

Na osnovu člana 24. stav 1. tačka e) Ustavnog zakona Tuzlansko-podrinjskog kantona ("Službene novine Tuzlansko-podrinjskog kantona" broj: 1/94 i 9/96), na prijedlog Vlade Tuzlansko-podrinjskog kantona, Skupština Tuzlansko-podrinjskog kantona, na sjednici održanoj dana 13. 3. 1997. godine, donosi

ZAKON

O KANTONALNOJ AGENCIJI ZA PRIVATIZACIJU

I OSNOVNE ODREDBE

Član 1.

Ovim zakonom osniva se Kantonalna agencija za privatizaciju (u daljem tekstu: Kantonalna agencija) i uređuje njen pravni položaj, sjedište, djelatnost, nadležnost, upravljanje, rukovođenje i finansiranje.

II PRAVNI POLOŽAJ I SJEDIŠTE KANTONALNE AGENCIJE

Član 2.

Kantonalna agencija je pravna osoba.
Kantonalna agencija je specijalizirana organizacija Tuzlansko-podrinjskog kantona (u daljem tekstu: Kanton).

Član 3.

Sjedište Kantonalne agencije je u Tuzli.

III DJELATNOST I NADLEŽNOST KANTONALNE AGENCIJE

Član 4.

Kantonalna agencija obavlja stručne i druge poslove u vezi sa privatizacijom.

Pored djelatnosti iz prethodnog stava ovog člana Kantonalna agencija obavlja i savjetodavne, promotivne, edukativne i druge stručne poslove, saglasno zakonu.

Član 5.

U okviru svoje djelatnosti Kantonalna agencija:

- inicira i učestvuje u pripremi i donošenju propisa i drugih općih akata iz oblasti privatizacije;

- saraduje sa nadležnim ministarstvima, organima i organizacijama za reorganizaciju i privatizaciju;
- vodi evidencije i statistike u okviru svog djelokruga;
- podnosi izvještaje o toku i rezultatima procesa privatizacije Vladi Tuzlansko-podrinjskog kantona (u daljem tekstu: Vlada Kantona);
- obavlja i druge poslove u vezi sa privatizacijom i reorganizacijom (preduzeća i banaka utvrđenih zakonom i drugim propisima).

Član 6.

Obavljajući svoju djelatnost u vezi sa privatizacijom preduzeća i banaka Kantonalna agencija naročito vrši:

- organizovanje i podsticanje privatizacije preduzeća na teritoriji Kantona;
- odobravanje programa privatizacije i početnog bilansa preduzeća u skladu sa metodologijom za pripremu preduzeća za privatizaciju;
- određivanje, sprovođenje, organizovanje, nadziranje privatizacije preduzeća za koje nije nadležna Agencija za privatizaciju Federacije Bosne i Hercegovine;
- zaključivanje ugovora o privatizaciji preduzeća putem prodaje, leasinga i drugih metoda;
- organiziranje i podsticanje obrazovanja i stručnih usavršavanja iz oblasti privatizacije;
- pružanje savjetodavne pomoći preduzećima u privatizaciji;
- organizovanje i provođenje informativno-propagandne djelatnosti iz oblasti privatizacije.

Član 7.

Kantonalna agencija, u okviru svoje nadležnosti, ima javna ovlašćenja za donošenje pojedinačnih upravnih akata, u skladu sa propisima o općem upravnom postupku.

Član 8.

Upravni nadzor nad vršenjem povjerenih javnih ovlašćenja iz člana 7. ovog zakona vrše resorna ministarstva, iz oblasti na koju se odnose ta ovlašćenja.

U vršenju upravnog nadzora ministarstva iz stava 1. ovog člana rješavaju po žalbama protiv upravnih akata koje je donijela Kantonalna agencija u vršenju javnih ovlašćenja i vrše i druga

prava koja po zakonu ima drugostepeni organ u upravnom postupku.

Kantonalna agencija je dužna jedanput mjesečno podnijeti izvještaj o vršenju povjerenih javnih ovlašćenja ministarstvima iz stava 1. ovog člana.

Član 9.

U okviru svoje nadležnosti Kantonalna agencija saraduje sa nadležnim tijelima i institucijama Kantona i Federacije, te međunarodnim institucijama i organizacijama.

IV UPRAVLJANJE I RUKOVOĐENJE

1. UPRAVNI ODBOR

Član 10.

Kantonalom agencijom upravlja Upravni odbor.
Upravni odbor se sastoji od 7 članova.
Upravni odbor ima predsjednika i potpredsjednika.

Član 11.

Upravni odbor imenuje i razrješava Vlada Kantona.

Član 12.

Za člana Upravnog odbora ne može biti imenovana osoba koja vrši funkciju poslovnog organa u preduzeću u kome ima državnog vlasništva kao i vlasnici preduzeća.

Član 13.

Upravni odbor Kantonalne agencije:

- donosi Statut Kantonalne agencije;
- donosi poslovnik o radu;
- donosi akte o unutrašnjem ustrojstvu Kantonalne agencije;
- donosi finansijski plan i program rada;
- donosi završni račun i izvještaje o radu Kantonalne agencije;
- odobrava početni bilans i program privatizacije preduzeća;
- donosi metodologiju i druga opća akta iz nadležnosti Kantonalne agencije;
- obavlja i druge poslove saglasno zakonu i Statutu Kantonalne agencije.

2. NADZORNI ODBOR

Član 14.

Nadzor nad zakonitošću rada i finansijskog poslovanja Kantonalne agencije provodi Nadzorni odbor.

Nadzorni odbor se sastoji od: predsjednika i četiri člana, koje imenuje i razrješava Skupština Tuzlansko-podrinjskog kantona (u daljem tekstu: Skupština Kantona).

Za člana Nadzornog odbora ne može biti imenovana osoba iz člana 10. ovog zakona, osoba koja vrši funkciju poslovnog organa u preduzeću u kome ima državnog vlasništva, vlasnik preduzeća i osoba koja je predsjednik ili član u više od tri nadzorna odbora preduzeća.

Nadzorni odbor podnosi Skupštini Kantona izvještaj o svom radu najmanje jedanput godišnje.

Član 15.

Za vršenje poslova iz svoje nadležnosti Nadzorni odbor može angažovati stručne institucije i nezavisne stručnjake.

3. DIREKTOR

Član 16.

Kantonalom agencijom rukovodi direktor.
Direktor Kantonalne agencije ima zamjenika.
Direktora i zamjenika direktora imenuje i razrješava Vlada Kantona, na prijedlog Upravnog odbora.

Član 17.

Direktor Kantonalne agencije naročito:

- rukovodi Kantonalom agencijom;
- predstavlja i zastupa Kantonalu agenciju;
- odgovara za zakonitost rada, pravilno i zakonito vođenje materijalno-finansijskog poslovanja Kantonalne agencije;
- obavlja i druge poslove utvrđene zakonom, Statutom i drugim općim aktima Kantonalne agencije.

Član 18.

Statutom Kantonalne agencije uređuje se naročito:

- osnove organizacije i rukovođenje Kantonalom agencijom;
- zastupanje, predstavljanje i potpisivanje Kantonalne agencije;
- službenici sa posebnim ovlašćenjima i odgovornostima;
- druga organizaciona pitanja u vezi sa poslovanjem Kantonalne agencije.

Statut Kantonalne agencije donosi Upravni odbor uz saglasnost Vlade Kantona.

Član 19.

Kantonalna agencija najmanje jednom u tri mjeseca podnosi izvještaj o svom radu Vladi Kantona.

V FINANSIRANJE

Član 20.

Sredstva za osnivanje i poslovanje Kantonalne agencije osiguravaju se iz:

- budžeta Kantona;
- dotacija domaćih i međunarodnih organizacija;
- naknada za usluge i iz drugih izvora.

VI PRIJELAZNE I ZAVRŠNE ODREDBE

Član 21.

Vlada Kantona će imenovati Upravni odbor i direktora Kantonalne agencije u roku od 30 dana od dana stupanja na snagu ovog zakona.

Član 22.

Upravni odbor će donijeti Statut i druga akta Kantonalne agencije u roku od 30 dana od dana imenovanja.

Član 23.

Skupština Kantona će imenovati predsjednika i članove Nadzornog odbora u roku od 60 dana od dana stupanja na snagu ovog zakona.

Član 24.

Propisi o radnim odnosima i odgovornostima radnika u organima uprave shodno se primjenjuju i na radnike Kantonalne agencije.

Član 25.

Ovaj zakon stupa na snagu osmog dana od dana objavljivanja u "Službenim novinama Tuzlansko-podrinjskog kantona".

Bosna i Hercegovina
Federacija Bosne i Hercegovine
TUZLANSKO-PODRINJSKI
KANTON
Skupština
Broj: 01-011-35-7/97
Tuzla, 13. 3. 1997. g.

Predsjedavajući
Skupštinom Tuzlansko-podrinjskog
kantona,
Fuad Hadžić, v.r.

293

Na osnovu članka 24. stavak 1. točka e) Ustavnog zakona Tuzlansko-podrinjske županije ("Službene novine Tuzlansko-podrinjskog kantona" broj: 1/94 i 9/96), na prijedlog Vlade Tuzlansko-podrinjske županije, Sabora Tuzlansko-podrinjske županije, na sjednici održanoj dana 13. 3. 1997. godine, donosi

ZAKON**O ŽUPANIJSKOJ AGENCIJI ZA PRIVATIZACIJU****I OSNOVNE ODREDBE**

Članak 1.

Ovim zakonom osniva se Županijska agencija za privatizaciju (u daljem tekstu: Županijska agencija) i uređuje njen pravni položaj, sjedište, djelatnost, nadležnost, upravljanje, ravnanje i financiranje.

**II PRAVNI POLOŽAJ I SJEDIŠTE
ŽUPANIJSKE AGENCIJE**

Članak 2.

Županijska agencija je pravna osoba.
Županijska agencija je specijalizirana organizacija Tuzlansko-podrinjske županije (u daljem tekstu: Županija).

Članak 3.

Sjedište Županijske agencije je u Tuzli.

**III DJELATNOST I NADLEŽNOST
ŽUPANIJSKE AGENCIJE**

Članak 4.

Županijska agencija obavlja stručne i druge poslove u svezi sa privatizacijom.

Pored djelatnosti iz prethodnog stavka ovog članka Županijska agencija obavlja i savjetodavne, promotivne, edukativne i druge stručne poslove, suglasno zakonu.

Članak 5.

U okviru svoje djelatnosti Županijska agencija:

- inicira i sudjeluje u pripremi i donošenju propisa i drugih općih akata iz oblasti privatizacije;
- surađuje sa nadležnim ministarstvima, organima i organizacijama za reorganiziranje i privatizaciju;
- vodi evidencije i statistike u okviru svog djelokruga;
- podnosi izvješća o tijeku i rezultatima procesa privatizacije Vladi Tuzlansko-podrinjske županije (u daljem tekstu: Vlada Županije);
- obavlja i druge poslove u svezi sa privatizacijom i reorganiziranjem (poduzeća i banaka utvrđenih zakonom i drugim propisima).

Članak 6.

Obavljajući svoju djelatnost u svezi sa privatizacijom poduzeća i banaka Županijska agencija osobito vrši:

- organiziranje i podsticanje privatizacije poduzeća na teritoriji Županije;
- odobravanje programa privatizacije i početnog bilanca poduzeća sukladno sa metodologijom za pripremu poduzeća za privatizaciju;
- određivanje, sprovođenje, organiziranje, nadziranje privatizacije poduzeća za koje nije nadležna Agencija za privatizaciju Federacije Bosne i Hercegovine;
- zaključivanje ugovora o privatizaciji poduzeća putem prodaje, leasinga i drugih metoda;
- organiziranje i podsticanje naobrazbe i stručnih usavršavanja iz oblasti privatizacije;
- pružanje savjetodavne pomoći poduzećima u privatizaciji;
- organiziranje i provođenje informativno-propagandne djelatnosti iz oblasti privatizacije.

Članak 7.

Županijska agencija, u okviru svoje nadležnosti, ima javna ovlaštenja za donošenje pojedinačnih upravnih akata, sukladno sa propisima o općem upravnom postupku.

Članak 8.

Upravni nadzor nad vršenjem povjerenih javnih ovlaštenja iz članka 7. ovog zakona vrše resorna ministarstva, iz oblasti na koju se odnose ta ovlaštenja.

U vršenju upravnog nadzora ministarstva iz stavka 1. ovog članka rješavaju po žalbama protiv upravnih akata koje je donijela Županijska agencija u vršenju javnih ovlasti i vrše i druga prava koja po zakonu ima drugostepeni organ u upravnom postupku.

Županijska agencija je dužna jedanput mjesečno podnijeti izvješće o vršenju povjerenih javnih ovlasti ministarstvima iz stavka 1. ovog članka.

Članak 9.

U okviru svoje nadležnosti Županijska agencija surađuje sa nadležnim tijelima i institucijama Županije i Federacije, te međunarodnim institucijama i organizacijama.

IV UPRAVLJANJE I RUKOVOĐENJE**1. UPRAVNI ODBOR**

Članak 10.

Županijskom agencijom upravlja Upravni odbor.
Upravni odbor se sastoji od 7 članova.
Upravni odbor ima predsjednika i potpredsjednika.

Članak 11.

Upravni odbor imenuje i razrješava Vlada Županije.

Članak 12.

Za člana Upravnog odbora ne može biti imenovana osoba koja obnaša funkciju poslovnog organa u poduzeću u kome ima državnog vlasništva kao i vlasnici poduzeća.

Članak 13.

Upravni odbor Županijske agencije:

- donosi Statut Županijske agencije;
- donosi poslovnik o radu;
- donosi akte o unutarnjem ustrojstvu Županijske agencije;

- donosi finansijski plan i program rada;
- donosi završni račun i izvješća o radu Županijske agencije;
- odobrava početni bilanc i program privatizacije poduzeća;
- donosi metodologiju i druga opća akta iz nadležnosti Županijske agencije;
- obavlja i druge poslove suglasno zakonu i Statutu Županijske agencije.

2. NADZORNI ODBOR

Članak 14.

Nadzor nad zakonitošću rada i finansijskog poslovanja Županijske agencije provodi Nadzorni odbor.

Nadzorni odbor se sastoji od: predsjednika i četiri člana, koje imenuje i razrješava Sabor Tuzlansko-podrinjske županije (u daljem tekstu: Sabor Županije).

Za člana Nadzornog odbora ne može biti imenovana osoba iz članka 10. ovog zakona, osoba koja obnaša funkciju poslovnog organa u poduzeću u kome ima državnog vlasništva, vlasnik poduzeća i osoba koja je predsjednik ili član u više od tri nadzorna odbora poduzeća.

Nadzorni odbor podnosi Saboru Županije izvješće o svom radu najmanje jedanput godišnje.

Članak 15.

Za vršenje poslova iz svoje nadležnosti Nadzorni odbor može angažirati stručne institucije i neovisne stručnjake.

3. DIREKTOR

Članak 16.

Županijskom agencijom ravna direktor. Direktor Županijske agencije ima zamjenika.

Direktora i zamjenika direktora imenuje i razrješava Vlada Županije, na prijedlog Upravnog odbora.

Članak 17.

Direktor Županijske agencije osobito:

- ravna Županijskom agencijom;
- predstavlja i zastupa Županijsku agenciju;
- odgovara za zakonitost rada, pravilno i zakonito vođenje materijalno-financijskog poslovanja Županijske agencije;
- obnaša i druge poslove utvrđene zakonom, Statutom i drugim općim aktima Županijske agencije.

Članak 18.

Statutom Županijske agencije uređuje se osobito:

- osnove organiziranja i ravnjanja Županijskom agencijom;
- zastupanje, predstavljanje i potpisivanje Županijske agencije;
- djelatnici s posebnim ovlastima i odgovornostima;
- druga organizacijska pitanja u svezi s poslovanjem Županijske agencije.

Statut Županijske agencije donosi Upravni odbor uz suglasnost Vlade Županije.

Članak 19.

Županijska agencija najmanje jedanput u tri mjeseca podnosi izvješće o svome radu Vladi Županije.

V FINANCIRANJE

Članak 20.

Sredstva za osnivanje i poslovanje Županijske agencije osiguravaju se iz:

- proračuna Županije;
- dotacija domaćih i međunarodnih organizacija;
- naknada za usluge i iz drugih izvora.

VI PRIJELAZNE I ZAVRŠNE ODREDBE

Članak 21.

Vlada Županije imenovati će Upravni odbor i direktora Županijske agencije u roku od 30 dana od dana stupanja na snagu ovog zakona.

Članak 22.

Upravni odbor će donijeti Statut i druga akta Županijske agencije u roku od 30 dana od dana imenovanja.

Članak 23.

Sabor Županije imenovati će predsjednika i članove Nadzornog odbora u roku od 60 dana od dana stupanja na snagu ovog zakona.

Članak 24.

Propisi o radnim odnosima i odgovornostima djelatnika u organima uprave shodno se primjenjuju i na djelatnike Županijske agencije.

Članak 25.

Ovaj zakon stupa na snagu osmog dana od dana objavljivanja u "Službenim novinama Tuzlansko-podrinjskog kantona".

Bosna i Hercegovina
Federacija Bosne i Hercegovine
TUZLANSKO-PODRINJSKA
ŽUPANIJA
Sabor

Broj: 01-011-35-7/97
Tuzla, 13. 3. 1997. g.

Predsjedatelj
Saborom Tuzlansko-podrinjske
županije,
Fuad Hadžićević, v.r.

294

Na osnovu člana 24. stav 1. tačka e) Ustavnog zakona Tuzlansko-podrinjskog kantona ("Službene novine Tuzlansko-podrinjskog kantona" broj: 1/94 i 9/96), na prijedlog Vlade Tuzlansko-podrinjskog kantona, Skupština Tuzlansko-podrinjskog kantona, na sjednici održanoj dana 13. 3. 1997. godine, donosi

ZAKON

O PREUZIMANJU PRAVA OSNIVAČA PREMA RO ZAVOD ZA ZDRAVSTVENU ZAŠTITU

I OSNOVNE ODREDBE

Član 1.

Skupština Tuzlansko-podrinjskog kantona (u daljem tekstu: Skupština Kantona) preuzima pravo osnivača prema RO Zavod za zdravstvenu zaštitu u Tuzli.

RO Zavod za zdravstvenu zaštitu u Tuzli nastavlja rad pod nazivom: JU Zavod za zdravstvenu zaštitu u Tuzli (u daljem tekstu: Zavod).